


საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ავალიანი ლადო შალვას ძე



ავალიანი ვლადიმერ (ლადო) შალვას ძე (15. V. 1913, გესტაფონი, – 1998, თბილისი), მწერალი.

დაამთავრა თბილ. სამხატვრო აკად. (1940). სვანეთის ყოფა-ცხოვრებით, განსაკუთრებით ძვ. და ახ. სვანეთის პრობლემებით დაინტერესებული შემოქმედის ლიტ. დებიუტი შედგა 1935 მოთხოვნით „დადაშ ხვიბლანი“. კვალვ ეს თემა დაედო საფუძვლად მისი ნოველების პირველ კრებულს „ლაპილ პირველი“ (1940) და ნოველებს „მუხის ჭია“ (1973), „დალის დალალები“ (1978) და სხვ. 1947–87 გამოვიდა მისი ნოველების 8 კრებული. მეორე მსოფლიო ომის მძიმე წლებმა გამოხატულება პოვა ნოველებში „დედის იმედი“, „სიღუ“ და სხვ. მეტად საყურადღებოა ნ.

3. ავალიანი.

ბარათაშვილის სახე ნოველაში „ყარიბი მგოსანი“ (1948). ლ. გუდიაშვილის პარიზული წლებია ასახული ნოველაში „სულოაგას ქუდი“. ამ ნაწარმოებებმა მწერალს ნოველის ოსტატის სახელი დაუმკვიდრა. რომანში „ახალი ჰორიზონტი“ (1952–69) პირველად აისახა მეშახტეთა ცხოვრება; მასში წინა პლანზეა წამოწეული მოქალაქეობრივი და ზნეობრივი პრობლემატიკა; აღსანიშნავია ისიც, რომ წიგნში ქვეტექსტის გამოხატვის ერთ-ერთი ძირითადი საშუალებაა ალეგორია, ხოლო მწერლის დამოკიდებულება სინამდვილისადმი გადმოცემულია ტრაგიკული ირონიით. ა-ს ეკუთვნის პიესები „მოწყობილი“ (1960) და „არგვეთის მთავრები“ (1974), „ნოველები“ (1987), იგი ავტორია წერილებისა ლიტ-რისა და ხელოვნების საკითხებზე.

ა-ის რამდენიმე ნოველა თარგმნილია რუს., ჩეხ., ინგლ. და გერმ. ენებზე. გადაღებულია ფილმში „დღე პირველი, დღე უკანასკნელი“.

თხ8.: ათი ნოველა, თბ., 1961; ნოველები, წერილები, თბ., 1975; რჩეული სამ წიგნად, თბ., 1978 – 82; ნოველები, თბ., 1987.

ლიტ.: ბ ა ქ რ ა ძ ე ა., ახალი პორიზონტი, «ლიტერატურული საქართველო», 1971, №50; მ ე რ კ ვ ი ლ ა ძ ე გ., ისევ „ახალ პორიზონტზე“, «მნათობი», 1977, №2.

ა. მირიანაშვილი
